



(KipukKak, Labrador) Fevruara 10, 2017

**KAUJISANNIK INONNUT pivitsaujunik SAKKITITAUGUMAJUNIK AKILIUSAIT AMMA
IKAJOTINGIT ANIGIJAUSIMAJUNUT NUNATSIAVUT KATIMAVITSUANGINNI**

PijaugiaKammat âtagut Inuit Maligatsangitigut, kiggatuttet kamajingit katimajingit (MSC) Nunatsiavut katimavitsuangita pigiaKavut Kaujisannimik amma Kinillutik uKautaujunik Inunnit pigumakKâtinnagu Nunatsiavut katimavitsuanga angikâtinnagu akiliusiannut amma ikajotinnut Annigijausimajunut.

Tâkkua kiggatuttet kamajingit katimajet Kaujitsigumavut Inunnik ukuninga:

Ākiliusait kiggatuttinut Nunatsiavut katimavitsuangani

Tâna Labrador Inuit Maligatsasuanga uKavuk akiliusait kiggatuttingit âkKitaugiaKavut tallimanut jârinut amma Nunatsiavut katimavitsuangita PikKujak pitaKattisivuk MSC-kunik kamagiamut sivuppiatitsinimmut Nunatsiavut katimavitsuangata kenaujatsanginnik, ilautillugit akiliusiat amma ikajuttet kiggatuttinut.

Tâkkua MSC-kut pijagesimalikKut kamanimmik akiliusiannik kiggatuttinut amma sivuppiaKujivut ukuninga tautsitausimajunik:

1. Tâna akiliusianga kiggatuttinut angilligiatittautillugu **\$75,000** tâlatut jârimut pigiasilluni Âprel 1, 2017-ami;
2. Tâna akiliusianga âkKitauKatalâkKuk jâri tamât atulluni Niuvinniagutet Akinginnik Atuttaujunik (CPI-kunik) jâriukKaujop takKinginni. Pigajappat piujotsiangitumik CPI-kut, akittugiattaununga sunaulângituk.

Annigijausimajut kamajut Minister-iunimmut sulianik, UKâlatti, amma UKâlattiup Tullia Nunatsiavut katimavitsuangani pitâKattavut kenaujanik akilittaugiamut assigiallanginnik suliansagiallanginik. Tâkkua MSC-kut sivuppiaKujivut 10%-imik anginitsamik kenaujanik ukua malillugit:

AngajukKâp Tullia	\$27,500
UKâlatti Nunatsiavut katimavitsuangani/Minister-et	\$16,500
Tullia UKâlattiup Nunatsiavut katimavitsuangani	\$8,250

Sivungagut, AngajukKâp pitâKattalaukKuk atjinganik akiliusiammik kiggatuttituinatut, ilagiattautilugu kenaujat \$36,000 tâlatut jârimi. Tâna kenaujak tukiKavuk akilittaunimmik ilagiallanginnut suliansanut kiggatuttituinak ilijausimajuk ubvalu annigijausimajuk. Tâna ilaungituk suliananut AngajukKâp inojuk immigolingatluni annigijauKattamat.

Tâkkua MSC-kut sivuppiaKujivut AngajukKâp akiliusianga **\$115,000** tâlatut jârimi pigiatillugu Âprel 1, 2017-ami. Tâna akiliusiak âkKitauKattalâttuk jâri tamât atulluni Niuvinniagutet Akinginnik Atuttaujunik (CPI) jâriukKaujumi. Pigajappat piujotsiangitumik CPI, akilligiattaunik sunauniangillak.

Aititsigitsi uKausinik* allatausimatillugu:

Tyler Edmunds
UKâlatti Nunatsiavut katimavitsuangani
37 Kaipokok Drive
P.O. Box 29
Postville, NL A0P 1N0

Email-ikut: tyler.edmunds@nunatsiavut.com
Fonnikut: (709) 479-9836
Tuavittukut: (709) 479-9891

*UKauset tikigiaKavut Montâg, Fevruar 20, 2017 4:30 pm (Labrador sitontingani) tigujausongugiamut.

37 Kaipokok Drive, P.O. Box 29, Postville NL, Canada A0P 1N0 Tel: 709.479.9836 Fax: 709.479.9891 tyler.edmunds@nunatsiavut.com